



**ARUBA A PONE KRANS
NA CONMEMORACION
NACIONAL DI E ABOLICION
DI SLAVITUD 2025**



WWW.SOLODIPUEBLO.COM




SOLODIPUEBLO@GMAIL.COM

**MIKE EMAN NO LO
PRESENTA DE MEZA
COMO MINISTRO, PERO LO
BUSCA CANDIDATO NOBO**



**RUTHLYN LINDOR Y MUZANIN
WEVER TA EXIGI PA GERLIEN
CROES STOP TUR SUBSIDIO
PER DIRECT DI 42 INSTITUCION**

**ASU NO TA SU SO:
TIN 42
INSTITUCION DEN
MESUN SITUACION
DI SUBSIDIO SIN
LANDSBESLUIT NA
TEMPO**



**FRACCION DI MEP TA SPERANDO
CONTESTACION RIBA E 842
PREGUNTANAN CU A WORDO
PRESENTA RIBA E PRESUPUESTO
SUPLETORIO DI 2025**



Gobierno a manda e ley pa trese cambianan den presupuesto 2025. E ley ta propone algun cambio pero no ta duna informacion pa substancia e cambianan. Pa e motibo ey, cumpliendo cu su tarea den Parlamento Fraccion di MEP a presenta 842 pregunta riba e cambianan den presupuesto.

E preguntanan ta basa riba e tarea di control y di proteha interes di pueblo di Aruba.

IREGULARIDADNAN RELACIONA CU FUNDACION SCOL PARTICULAR

Den cuadro di un investigacion penal cu tin andando, Afpakteam a detene un persona awe riba sospecho di estafa y labamento di placa. Durante e accion a confisca administracion como tambe cargadornan di informacion. E investigacion ta dirigi riba

irregularidadnan relaciona cu fundacion di un scol particular na Aruba, yama Nederlands Onderwijs Aruba (NOA). Nunca no a aplica pa un permiso pa ofrece enseñansa, pero si a publica riba un website y un pagina di Facebook cu e scol lo cuminsa den aña escolar 2025-2026.

Hende interesa por a inscribi nan mes via un formulario riba e website. Un suplica ta bay na personanan cu a inscribi nan yiu na e scol aki y/of a realisa pago di inscripcion, pa meld nan mes na polis. Bo persona por tuma contacto via 527-3158.



ASU NO TA SU SO: TIN 42 INSTITUCION DEN MESUN SITUACION DI SUBSIDIO SIN LANDSBESLUIT NA TEMPO

Editorial

“Subsidio na Aruba: Realidad versus percepcion politico”

Un lawaai cu meta pa confundi pueblo

Awor aki nos ta mirando un campaña di percepcion cu ta purba crea confusion den pueblo. A tuma e rapport di CAD y usa esaki pa pinta cu Endy Croes ta dunando subsidio sin control, cu implicacion di cosnan robes cu fondo. E realidad ta otro.

CAD no ta papia di falta di fondo, CAD ta papia di sistema deficiente

Ora bo lesa e rapport cu mente habri, CAD no ta bisa cu tin malversacion of uso di fondo pa meta personal. Nan ta critica un sistema cu ya pa hopi aña ta deficiente. Desde 2023 gobierno mes ta compci cu esaki y a cuminsa cu proceso di cambio di ley di subsidio, un tema cu ta den landspakket. Pasobra e manera cu e procedimiento ta wordo aplica ta causa retraso y ineficiencia. E procedimiento no

ta traha pa e realidad administrativo di Aruba.

Parlamento a autorisa tur subsidio

Otro punto importante ta cu ningun subsidio no ta wordo paga sin autorisacion di parlamento. Tur e sumanan ta wordo aproba den presupuesto anual. Gobierno despues ta implementa segun e proceso administrativo. Pero cu e procedimiento ta complica y no adapta na realidad, hopi organisacion ta keda warda riba landsbesluit, mientras nan ta sigui duna servicio cu pueblo ta depende riba dje.

42 organisacion ta haya subsidio bao un sistema cu no ta funcional

Tin 42 instancia na Aruba cu ta haya subsidio. Esaki no ta un favor personal, e ta un mecanismo pa sostene sector social y deportivo. Pero si e ley ta cla cu cada florin mester tin documento, y den practica e procedimiento ta imposibel pa cumpli rapido, e ora nos ta confronta un ley cu ta crea mas problema cu solucion.


Un critica politico strategico riba Endy ?

Esaki ta un critica politico strategico. Ta un movimiento pa usa un rapport administrativo pa crea duda moral riba un ex minister cu a logra entrega resultado concreto, manera pista di atletismo na Santa Cruz. Mester wak esaki pa loke e ta: un lucha di percepcion den un ambiente politico cu ta busca cualkier oportunidad pa desacredita oponente.

Ley di subsidio mester cambia pa proteha pueblo y transparencia

CAD ta cla cu e sistema mester cambia. Si nos kier transparencia, eficiencia y menos espacio pa tardansa den futuro, e ley di subsidio mester wordo actualisa rapido. Pero ta irresponsabel pa usa un analisis administrativo pa crea persepcion cu cosnan robes of falta di placa, cual no ta existi, solamente pa gana un punto politico.

Kico ta e resumen?



Realidad versus percepcion ta dos cos diferente. Pueblo ta merece claridad, no manipulacion. Gobierno tin su responsabilidad pa cambia e ley y e

procedimiento. Politico tin su responsabilidad pa no mal usa e situacion pa ataca oponente, pa sacia e sed di odio. Aruba merece mihor cu esaki.



STATEN VAN ARUBA

OPENBARE VERGADERING OP 3 JULI 2025 OM 08:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ontwerp-landsverordening tot vaststelling van de begroting van het Tourism Product Enhancement Fund voor het dienstjaar 2025

De Griffier,

mr.drs. Herman Ch. J. Hek

MIKE EMAN NO LO PRESENTA DE MEZA COMO MINISTRO, PERO LO BUSCA CANDIDATO NOBO



Mike Eman, lider del partido AVP, a informa diamars merdia cu e no ta planeando pa presenta Mike De Meza como candidato pa minister den su gabinete. Despues di tres luna di silencio y speculacion, Eman a confirma cu e lo busca un candidato nobo pa ocupa e puesto.

E decision a bin despues di un periodo di tension y duda relaciona cu e proceso di screening di De Meza.

Desde cu e problema a surgi, Eman a mantene un silencio notable, pero awor finalmente e decision a cay: De Meza no wordo nomina.

Aunke cu De Meza no lo forma parti di e gabinete, Eman a bisa cu tras di cortina, De Meza ta sigui duna instruccionnan na Dowers con pa maneha e carteranan di energia. E movimiento aki ta genera pregunta riba e rol exacto di De Meza den e transicion. Mientrastanto, Eman a enfoca riba e buskeda di un remplasante adecuado.

E pregunta clave ta: Ken lo ta e siguiente candidato? E proceso di seleccion ta crucial, ya cu e gabinete nobo mester haña confiansa di e pueblo i di parlamento.

E decision di Mike Eman a pone fin na un capitulo di incertidumbre, pero a habri un otro: Ken ta sigui? E siguiente pasonan di AVP lo determina no solamente e futuro di e partido, sino tambe di e gobierno di Aruba.



Ganador 2025

INVERSION SOCIAL



Aruba Airport
Authority

RIJSCHOOL BENNETT TA PREPARA PA DEMANDA KORPS POLITIE ARUBA/BER BAO DI E LEY NOBO DI PROTECCION DI CONSUMIDOR

Auto Rijschool Bennett ta wardando pa e ley: "Landsverordening Handhaving Bestuurlijkebescherming Consumenten" drenta na vigor, pa entrega un keho contra Korps Politie Aruba /Bureau Examen Rijbewijzen ("BER").

E ley aki recien a wordo aproba den Parlamento y ta segun proceso den su ultimo fase pa e por wordo publica.

Ley Nobo di Proteccion di Consumidor na Aruba: Kico E Ta Nifica?

E Ley di Proteccion di Consumidor recien aproba na Aruba ta duna Aruba Fair Trade Authority (AFTA) mas poder pa proteha consumidornan. AFTA, cu antes tabata regula competencia husto, awo lo investiga y sanciona propaganda falso, manipulacion, productonan di mal calidad, y falta di garantia.

Consumidornan lo por entrega keho mas facil via un portal digital y AFTA por actua contra patronchinan sistematico di violacion di derecho. Comerciantenan cu no cumpli por confronta multanan grandi, te cu Afl. 100.000,- of 10% di nan omzet. E ley aki, cu lo drenta na vigor 1 di october 2025, ta un paso crucial pa salvaguardia derechonan di consumidor na Aruba.

STRANGULAMENTO DI E RIJSCHOOLNAN
Ultimo añanan mi Rijschool y VRA a publica diferente articulo ariba e maneho cu "BER"/KPA ta hiba desde e periodo di Covid-19 cu basicamente ta strangulando e funcionamiento y existencia di e Rijschoolnan.

Den pasado VRA e tene diferente reunionnan cu KPA na unda diferente puntonan di atencion a wordo treci dilanti pero sin algun resultado of cambionan di parti di KPA. KPA a keda mantene e medidanan cu grandemente ta afecta un di e

entrada principal di e Rijscholen.

Durante di e periodo di Covid e medidanan cu Aruba a tuma tabata core paralelo cu esnan di Hulanda. Sinembargo pa loke ta trata e medidanan pa pasa e examen di coremento. CBR ta obliga tur candidato cu kier pasa e examen di Coremento pa hasi esaki via un Rijschool y bo ta obliga pa tuma un cantidad minimo di rijles pa bo por bai pa pasa e Examen di coremento.

Na Aruba Si, BER a exige cu e candidato MESTER pasa e examen di coremento den un di nan auto. KPA a bay asina leu cu nan a lease 2 auto, cu nan ta keda ofrece GRATIS na e candidatonan. Ta aki e rabo di porco ta krul.

KPA a cuminsa y ainda ta ofreciendo tur candidato pa pasa e examen gratis cu nan auto mientras cu KPA tin cu paga basta placa pa Lease 2 auto sin cu KPA ta cobra un cen pa e servicio ey. E rijschoolnan cu tabata cobrando e candidato pa nan haci uzo di e auto di e Rijschool pa pasa examen a perde un entrada esencial. Comentario di KPA semper tabata y ta cu nan no ta stroba e rijschoolnan pa nan huur nan auto. Mi tin un Pregunta!

Ta cua alumno ta bay huur un auto pa pasa examen si e por haya un pa fia gratis for di Polis?

E efecto di tur esaki ta mas grandi cu KPA ta kere. Pasobra e alumnonan a stop di tuma suficiente rijles for di e rijschoolnan. Maneho di mi scol nunca a cambia, cu ta: Bo mester por core bon y sigur pa bo por huur mi auto pa pasa examen cu ne. E alumnonan a calcula cu pa e suma di Awg 90,-nan ta haya 2 chens pa pasa e examen di Teoria y 2 chens pa examen di coremento. Cu otro palabra e ta costa un candidato Awg 45,- pa dos chens pa e Rij-examen cu ta Awg 27.50 pa cada examen. Ariba

djie nan tin e uzo di e auto gratis di Polis.

No tin un Rijschool na Aruba cu por competi cu e Prijs di Awg 27,50 pa un Praktijk examen di KPA compara cu e prijs di Awg. 70,- pa un Rijles di un Rijschool.

Un alumno a comenta cu e ta mas barata pa paga Awg 45,- pa dos chens di Rij-Examen cu e posibilidad cu e por slaag

Ora un candidato cu no sa stuur kibra un lease auto durante di e examen ta KPA (Pueblo) ta paga pa gastonan pa drecha e auto.

A para bira cu alumnonan ta bay examen sin cu nan kier tuma sikiera un les. Alumnonan cu a caba di slaag ta siña un amigo con pa stuur. Maneho di KPA ta cabando cu un sector importante cu semper a traha pa garantisa un trafico sigur na Aruba.

E tres Pilarnan pa un trafico sigur ta:

1. Education = Rijscholen
2. Engineering= DOW (Caminda)
3. Enforcement = Polis (Control)

Ora cu destrui un di e pilarnan, full bo siguridad di trafico ta cay den otro. E ley nobo ta duna tur hende un caminda pa cana y haci denuncia contra concurrencia falso, abuso di poder y formamento di cartel. Loke ta bay ta un berguensa grandi ta cu Gobierno a lanta e Instancia aki pa proteha su ciudadano y e prome denuncia lo ta netamente contra un di su departamentonan.

E tres pillarnan mester traha hunto na bienestar di nos comunidad pa tin un trafico sigur!

Mi ta spera cu KPA por refleha riba su maneho prome cu entrega DENUNCIA pa concurrencia falso.

Skirbi pa Eddie Bennet
Autorijschool Bennett

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



FRACCION DI MEP TA SPERANDO CONTESTACION RIBA E 842 PREGUNTANAN CU A WORDO PRESENTA RIBA E PRESUPUESTO SUPLETORIO DI 2025



Gobierno a manda e ley pa trese cambionan den presupuesto 2025. E ley ta propone algun cambio pero no ta duna informacion pa substancia e cambionan. Pa e motibo ey, cumpliendo cu su tarea den Parlamento Fraccion di MEP a presenta 842 pregunta riba e cambionan den presupuesto.

E preguntanan ta basa riba e tarea di control y di proteha interes di pueblo di Aruba.

“Nos ta spera cu e gobierno nobo cuminsa tuma su responsabilidad na serio y duna contesta completo y debido na e preguntanan hasi. E gobierno, cu no ta ni completo ainda, a cuminsa cu masha mal pia. Nos fraccion so a hasi mas di 700 pregunta cu no a wordo contesta ainda. Falta di transparencia ta un falta di respet pa Parlamento, pero principalmente e falta di liderasgo den tur sentido di palabra, ta un falta di respet pa henter e pueblo. Nos ta insisti cu e Parlamento mester wordo trata cu seriedad, y cu cada miembro di e gobierno tin un obligacion constitucional pa duna cuenta.

Fraccion di MEP ta alerta, y ta sperando cu e silencio di e gobierno Eman-Croes no bira norma



Ganador 2025

CONSERVACION DI MEDIO AMBIENTE



**Bucuti & Tara
Beach Resort**

ENTRANTE 11 DI OUGÙSTÙS POR PIDI SUPSIDIO PA INISIATIVA RELASHONÁ KU PASADO DI SKLABITUT

Pasado di sklabitut ta un parti doloroso, pero importante di nos historia komun. Durante hopi tempu e inhustisia aki a haña muchu poko atenshon, miéntas ku te ainda ta ripará su impakto. P'esei ta inisiá den ougùstùs 2025 un areglo di supsidio pa inisiativanan sosial relashoná ku pasado di sklabitut transatlántiko. Fundashonnan e ora ei por pidi supsidio pa proyektonan ku ta kontribuí na rekonosementu, rehabilitashon i konsientisashon. E areglo akí ta un di e akshonnan relashoná ku e diskulpanan pa pasado di sklabitut hulandes.

Awe a publiká e areglonan pa tantu Hulanda Oropeo komo e parti karibense di Reino.

Na 2023 ministerio di Asuntunan Interno i Relashonnan den Reino a organisá kòmbersashon- i diálogonan den henter Reino. A papia ku partisipantenan entre otro tokante struktura di e areglo di supsidio. E kòmbersashonnan akí a suprayá un biaha mas kon e efekto di sklabitut te ku dia di awe ainda ta kousa desigualdat, entre kultura- i komunidatnan.

A tene kuenta ku input di e kòmbersashonnan akí ora di formulá e areglonan di supsidio. Un punto importante tabata, ku e areglo mester ta aksesibel, pa organisashonnan chikitu tambe. P'esei deliberadamente a tene e prosedura di aplikashon simpel. Pa informá organisashonnan adekuadamente ta organisá enkuentronan di informashon na Hulanda Oropeo i e parti karibense di Reino.

Preparashon i ehkushon bon prepará



Pa hinka e areglo den otro mester tabata kuidadoso. Mester a haña un organisashon di ehkushon ku eksperensiadentrahakuareglonan di supsidio pa e komunidatnan embolbí. Entretantu ta evidente ku Uitvoering Van Beleid, parti di Ministerio di Asuntunan Sosial i Empleo, ta bai ehkutá e areglo.

Minister Uitermark: "Orata trata di pasado di sklabitut, ta importante pa para ketu na e pasado, pero pa wak tambe padilanti. P'esei mi ta kontentu ku despues di un periodo di hopi kòmbersashon i trabou, nos por inougurá e areglo. Un areglo ku ta aksesibel, realisá huntu ku komunidat, pa kua deliberadamente a invertí hopi tempu aden. Ta importante pa krea konsiensia kolektivo tokante pasado di sklabitut, pa nos para ketu na kon nos ta anda kuné den presente i traha riba un futuro komun."

Ocho tanda di aplikashon ku kuater diferente supsidio E promé tanda di aplikashon ta inisiá riba 11 di ougùstùs 2025. E ora ei fundashonnan por pidi supsidio pa fortifiká i profesionalisá nan organisashon. €5.000 pa organisashonnan na

Hulanda Oropeo i USD 10.000 pa organisashonnan den e parti karibense di Reino. E areglo ta na vigor te ku 2028 i ta konsistí di ocho tanda di aplikashon pa kuater diferente supsidio.

Entrante e di dos tanda, fundashonnan por pidi supsidio tambe pa proyekto chikitu ku ta kontribuí na:

- atkisishon di mihó konosementu di efekto di pasado di sklabitut i kombatementu di e konsekuensianan di e efekto di sklabitut den presente;
- prosesamentu di pasado di sklabitut;
- promoshon di konosementu i konsiensia tokante pasado di sklabitut; òf
- rekonosementu i konmemorashon di e pasado di sklabitut.

Sürnam

Pa Sürnam e areglo ainda ta den preparashon. Ta hasiendo esfuerso pa haña un partner di ehkushon lokal. Ta sinkronisá ritmo i aserkamentu ku e forma di traha di gobièrnu surinameño.

Di diskulpa pa akshon

E areglo di supsidio akí ta un

di pasonan ku ta surgi for di diskulpanan pa e pasado di sklabitut, ku gabinete a ekspresá riba 19 di desèmber 2022. Gabinete e tempu ei a pone €200 mion disponibel pa inisiativanan relashoná ku rekonosimentu, konsientisashon i rekuperashon. Di esei €100 mion ta destiná pa medidanan gubernamental pa stimulá konsiensia, rekonosimentu i prosesamentu. Por pensa riba kambionan den enseñansa básiko i sekundario, mas investigashon, museonan i protekshon di patrimonio kultural den tur e paisnan embolbí. E otro €100 mion ta pa inisiativanan salí di komunidat, e plaka ta repartí den tres: un terser parti ta destiná pa Hulanda Oropeo, un terser parti pa e parti karibense di Reino i un terser parti pa Sürnam.

Mas informashon

Por haña mas informashon tokante e areglo di supsidio i e enkuentronan di informashon planiá riba Subsidieregeling Maatschappelijke initiatieven trans-Atlantisch slavernijverleden voor het Caribisch deel van het Koninkrijk | Subsidie en regeling | Uitvoering Van Beleid.

RUTHLYN LINDOR Y MUZANIN WEVER TA EXIGI PA GERLIEN CROES STOP TUR SUBSIDIO PER DIRECT DI 42 INSTITUCION



Oranjestad – Parlamentarionan di FUTURO, Ruthlyn Lindor y Muzanin Wever, a lanza un alerta urgente durante un rueda di prensa: “No tin nigin base legal pa paga subsidio sin landsbesluit.” Nan a exige cu minister Gerlien Croes stop TUR pagonan di SUBSIDIO inmediatamente na institucionnan cu no tin e documentacion rekeri, ya cu esaki ta violacion di ley y ta incorrecto.

E Problema: Subsidio paga na institucionnan sin beschikking

Segun Wever y Lindor, “ta inconcebibel cu institucion ta sigui ricibiendo placa di gobierno sin un beschikking of landsbesluit.” “Aunke un proceso ta complica, e ta segun ley” “Como minister bo no por omzeil e reglanan”. “Ni si e ta dura largo”. E situacion aki no ta limita na ASU; tambe e ta afectando 42 otro fundacion of institucion cu actualmente ta hayando subsidio sin e documentacion necesario.

Pero e critica mas fuerte a bin contra ex-minister Endy Croes, cu segun nan, “no a garantiza e transparencia i legalidad durante su trabao.” Sin embargo, e pregunta cu ta bini: Gerlien Croes ta permitiend e mesun error cu e pagonan di subsidio di April, Mei, Juni y Juli 2025? E 4 lunanan cu e ta den gobierno, cu tampoco e institucionnan tin beschikking, nan ta cobrando? Of a laga stop nan per direct?

Gerlien Croes lo tene su mes na su palabra ? Lindor y Wever a pone e minister den un situacion dificil: “Si e kier ta corecto, e mester actua conforme su discurso.” Stop tur subsidio ilegal, no solamente esun cu ta conveni. Nan ta puntra claramente: Lo e minister ta keda consistente i stop tur pagonan irregular, of lo e sigui paga algun mientras e ta critica su predecesor?

E reto legal pa Gerlien y Futuro: ta paga of ta stop? E problema aki no ta simpel: Si Gerlien Croes

stop tur subsidio sin documentacion, varios institucion lo keda sin financiamiento. Si e sigui paga, e ta contribui na un sistema irregular, incorrecto. DWJZ a yama esaki un “bestendig praktijk”, algo conoci caba pa algun aña. E yamado di Wever y Lindor ta

pone Gerlien Croes den un posicion delicado: of e ta cumpli cu su palabra i actua consecuente, of e ta keda practica e mesun critica cu e ta haci na su antecesor. E bala ta den scochi di Gerlien awor.



2 Aña Di Compromiso, Excelencia y Vision.

Nos Ta Cla Pa Mas!

Dos aña pasa nos a inicia PKF Aruba cu un vision cla, determinacion fuerte y deseo grandi pa aporta balor na henter comunidad. Awe, cu orguyo, nos ta celebra e logro aki, reconociendo e caminda nos dilanti, sin frontera y yen’a cu oportunidadnan nobo.

Nos ta sumamente agradecido na tur nos clientenan, partnernan comercial y colaboradornan pa nan confianza, sosten y colaboracion continuo. Nos exito ta e resultado di trabou di ekipo, innovacion constante y e deseo pa semper busca excelencia.

Mirando pa futuro, nos ta cla pa sigui expande horizonte cu retonan nobo. Nos ta crece hunto cu bo!

Descubri e alternativa nobo atravez di nos servicionan di conseho financiero, auditoria, tax y payroll/ bookkeeping, cu excelencia semper na prome luga.



pkf_dcsur

pkf-dcsur.com

PARLAMENTARIO XIOMARA MADURO TA HIBA UN DISCURSO PA FELICITA UNOCA CU SU 39 ANIVERSARIO



Den un ambiente di orguyo y reflexion cultural, Parlamentario Xiomara Maduro a hiba un discurso durante e celebracion di e 39 aniversario di UNOCA (Union di Organisacionnan Cultural Arubano), un institucion fundamental den e desaroyo y preservacion di cultura Arubano.

Durante su discurso, Maduro a expresa cu gran sentimento su admiracion pa e trabou grandi cu UNOCA a bin ta haci

pa hopi aña. “UNOCA no ta solamente un organisacion,” ela bisa, “pero e ta e alma di nos identidad cultural, un compas pa nos nacion.”

Como ex-Minister di Cultura, Maduro a relata su experiencia personal cu e fundacion, destacando su rol den promocion di arte, proteccion di herencia cultural, y pa stimula y inspira creatividad. A nombra diferente proyecto significativo cu UNOCA a realisa, di fondo

pa artista nobo, te na preservacion di tradicion oral y participacion internacional.

“UNOCA a compronde cu cultura ta bibo y ta evoluciona. Ta via nos idioma, nos musica, nos arte y nos historia oral cu nos ta mantene nos identidad,” ela enfatisa. Maduro tambe a trece den recuerdo momentonan crucial manera e apoyo emocional y artistico durante e pandemia, via e programa UNOCA Cares.

Un momento special den e discurso tabata dedica na

reconocimento personal. Xiomara Maduro a gradici Ray Anne Hernandez, ex-directora di UNOCA, pa su “liderato firme y vision cla,” y tambe Lupita Gil, representante di Ministerio di Cultura den e directiva, pa su “conseho sabio y bon colaboracion”.

UNOCA, segun Maduro, a logra pone Aruba riba e mapa cultural regional y global via colaboracion cu UNESCO y participacion den evento internacional manera Dutch Caribbean Digital Heritage Week. “E voz di Aruba ta wordo scucha y respeta, danki

na e trabou cu UNOCA ta haci,” Maduro a destaca.

Den su palabra final, Maduro a invita comunidad y lidernan pa sigui brinda sosten y balar na nos cultura Arubano: “Den un mundo cu ta cambia constantemente, nos cultura ta e anker cu ta wanta nos firme. Ta nos cultura ta muestra ken nos ta, y ken nos por bira.”

Maduro a caba su discurso cu un deseo sincero: “Feliz 39 aniversario na UNOCA, y cu nos por bolbe celebra e 40 aña hunto, Dios mediante.”

2025 — E DIA DI EMANSIPASHON AKI TA MARKA UN MOMENTO PA DESPIERTÁ E KONSENSHI DI PUEBLO:

un rekonosimiento di nos antepasadonan ku a laga nos un legadó legítimo di resistensia, dignidat i identidad—un legadó ku a wordo sistemátikamente nengá i

Libertat Kondishonal: Emansipashon Inkompleto di Boneiru

Boneiru, 1 di July suprimí pa mas ku 200 aña. E gobernashon Hulandes, huntu ku su gobiernonan lokal subordiná, a soru pa e desendientenan liberá a keda inkonsiente di nan derechonan, wordu malinformá i no educa tokante nan historia, i ekslui for di empoderashon real. E berdad ta ku: emansipashon ta keda inkompleto, pasobra Bonerianonan ta kontinua ta biba bou di kondishonan polítiko, kultural i ekonómiko ku ta reflehá un forma moderno di kontrol kolonial.

Libertat kondishonal—den sistema hudisial-- ta permití presonan biba liber bao supervishón mientras ku nan ta kumpliando ku nan sentensia. E idea o konsepto aki ta refleha e realidad di Boneiru despues di 1 di July 1863. Aunke sklabitut a wordo abolí legalmente riba e fecha ey, libertat real no a wordu realmente duna. Esnan ku tabata esklavisa a wordo forsá pa kasi un período di 10 aña di trabou sin pago te 1873, esencialmente pa pagá pa tera i impuesto na gobierno pa e kompensashon ku a duna na donjonan di katibu —no a paga e katibunan. Esaki no tabata

libertat, sino kontinuashon di sklabitut bao di otro forma i nomber. Asta despues di 1873, nan desendientenan a keda atrapá den leynan kolonial i kontrol ekstranjero—sisteman di dominashon ku ahinda ta persistí na Boneiru awe. Pakiko Emansipashon Inkompleto?

Emansipashon ta e akshon di liberá hende for di restriksionan legal, sosial, polítiko ò ekonómiko—spesialmente di sklabitut, gobernashon kolonial òf kontrol opresivo. Pero libertad real ta mas ku un ley o deklarashon legal. Ta e poder pa tuma bo mes desishonan, biba sin dominio di gobierno kolonial i sistemanan, i ta esensial pa dignidat, autodeterminashon i desaroyo humano. Libertat tin varios dimenshón: Libertat politiko - derecho pa partisipá den gobernashon ku ta representá bo bos i interes, ekspresá bo opinion i oponé kontra inhustisia sin miedu. Libertat personal - derecho pa biba segun bo balornan i identidad sin preshon o menasa. Libertat ekonómiko - kontrol riba trabou, rekursonan i oportunidat sin abuso di poder. Libertat for di

opreshon - liberashon di gobernashon kolonial, inhustisia sistemátiko òf diskriminashon.

Den konteksto postkolonial i Karibeño, libertad ta inklui sobrebibiensa kultural, protekshon di idioma i identidad, gobiernu propio i liberashon di strukturanan neokolonial. Sin Boneiru logra esaki, emansipashon ta keda inkompleto i libertad ta kondishonal.

Desde e integrashon forsá di Boneiru den e struktura konstitushonal Hulandes na 2010, e gobiernu Hulandes moderno a remplasá sklabitut ku subyugashon i subordinashon polítiko, ekonómiko i kultural. Boneiru a sufri pérdida di autonomía polítiko i propio gobernashon, eliminashon poko poko di identidad kultural, dependensia ekonómiko kresiente i marginalisashon sistemátiko di e poblashon nativo. Prome ku 2010 tabata konsisti 80% di e residèntenan di e isla, Bonerianonan, awe 1 di July 2025, a keda reduci na ménos di 30%. Nos futuro i nos leynan no ta determiná pa nos—sino pa Den Haag. Nos ta enfrentando awor e mes destino tragiko fatal di



eksintshon kultural ku nos antepasadonan Indígena a sufri.

E “kasnan di katibu” na Salinja no tabata kas pa katibunan, sino monumentonan di mentira i manipulashon kolonial Hulandes. E realidad doloroso di libertat kondishonal—mantené pa siglonan di invashón, okupashon i reformasnan kolonial kontinuo, inkluyendo restrukturashon di 10-10-10—ta keda tapa, skondi bao di narativo di komemorashon. E poster ofisial di Dia di Emansipashon, ku kadenanan kibra i e famoso “kasnan di katibu” di Boneiru, ta promové un vershon historiko falsu pa skonde e realidad. Pero e berdad ta ku, e kasitanan aki a wordo konstrui na anja 1850 un par di anja prome ku a aboli sklabitut komo propaganda—no pa biba aden—pero pa presentá un imagen falsu

na mundo di trato humano, mientras katibunan, inklui esnan for di otro islanan ku komo kastigu, a muri sufriendo den e salinjanan ku durashon di bida bao di e kondishonan ey tabata solamente 4 pa 8 aña.

Te ku e dia ku Boneiru tin poder pa su propio gobernashon, rekupéra su historia i definí su mes futuro, nos ta keda suheta i kadena—pa leynan, sistemanan, i narativanan ku no ta di nos mes.

E 1 di Juli aki no ta sólo un dia di rekordashon; ta un yamada pa kibra e kadena den nos mente i nos kurason. Riba e Dia di Emansipashon aki, Boneiru ta honrá su antepasadonan no ku silencio òf seremonia, pero ku “e berdad”—i ku un demandá nobo, sin duda i sin kompromiso, pa kompletá e trabao ku nos antepasadonan a kuminsá mas ku 160 aña pasa.

EVENTO DE CARIBBEAN BUSINESS HUB ATRAE A UNA SALA LLENA A PESAR DE LA CUMBRE DE LA OTAN EN LA HAYA

La Haya, 25 de junio de 2025 – Mientras el presidente Trump abandonaba La Haya el miércoles por la noche después de la cumbre de la OTAN, empresarios y profesionales se reunieron en el Gabinete del Ministro Plenipotenciario de Curazao para un inspirador evento de networking organizado por Caribbean Business Hub (CBH).

La noche fue inaugurada por el presidente Nico de Visser, quien subrayó las ambiciones de CBH: fomentar el emprendimiento, desde proyectos circulares inspiradores, fondos de inversión hasta fórmulas innovadoras (franquicias) en todas las islas del Caribe y América Latina. CBH lo hace informando, facilitando, apoyando y, sobre todo, conectando. Su novedad es un mercado en línea para la compra de empresas, solicitudes de financiamiento y oportunidades inmobiliarias. El contacto personal durante los eventos de networking sigue siendo el corazón de su enfoque.

El próximo año, la ambición crecerá aún más cuando CBH organice el Caribbean & Latin Village: una gran feria para empresarios, franquiciadores, magnates de la hostelería, agentes inmobiliarios, empresas de servicios, partes interesadas e inversores.

Los expositores y patrocinadores ya pueden inscribirse.

El arquitecto George Polman, director de AG Architecten en Haarlem, Países Bajos, ofreció una impresionante conferencia magistral, que comenzó en papiamento, una señal poderosa sobre la importancia de la conexión cultural en los negocios internacionales. Presentó megaproyectos muy inspiradores en Bonaire. Varían desde villas exclusivas y coloridas y casas de campo de estilo caribeño hasta la creación de nuevos destinos para edificios antiguos. Pero también viviendas sociales de alta calidad con el mismo carácter distintivo.

Según George Polman, las empresas sociales tienen un gran impacto positivo en la sociedad. Por ejemplo, al construir viviendas de alta calidad también para los menos favorecidos, se reduce la brecha entre ricos y pobres.

Luego, la señora Pennington presentó su empresa de Curazao, un ejemplo destacado de emprendimiento caribeño que da el salto al mercado europeo. Habló sobre el licor Blue Curacao, que fue ideado y desarrollado en la isla en 1896.

También se presentó el licor de tamarindo, su sorpresa tropical, durante



la degustación de licores.

La noche fue clausurada por el Ministro Plenipotenciario Carlson Manuel, quien animó a los presentes a buscar activamente oportunidades en las islas y enfatizó que los empresarios son bienvenidos en todas las islas del Caribe y, en particular, en Curacao.

Con un buffet tropical, buenas conversaciones y un ambiente constructivo, el evento fue nuevamente un éxito.

La próxima reunión de networking de CBH está programada para el martes 30 de septiembre de 2025.

Más información descripción: www.caribbeanbusinesshub.nl



SOLODIPUEBLO@GMAIL.COM

CEL. 585 9500



MINISTER DI HUSTICIA TA TRAHANDO RIBA RENOBACION OPERACIONAL PA GARANTISA DERECHO DI EXISTENCIA DI ARUPARKING

Dialuna mainta, durante un conferencia di prensa, Minister di Husticia, mr. drs. Arthur Dowers, a reconoce e importancia di Aruparking cu ta celebrando nan di 10 aña di existencia. Aruparking cu a conta cu sosten di mas di 4 miyon usuario durante di e ultimo decada, a conoce avance den tecnologia durante di e ultimo añanan. Na comienso di su operacion, clientenan por a paga solamente cu florin y awendia a innova y ta ofrece facilidad di pago via carchi bancario y e aplicacion Pay.aw

Minister Dowers a subraya cu Aruparking ta trahando riba un maneho operacional nobo pa garantiza su derecho di

existencia y pa amplia e libertad di su usarionan pa parkeer na cualkier otro sitio. Den e sistema nobo, na luga di uza e number di e parkeervak, lo uza e number di e auto mes. Esaki ta nifica cu un usuario lo por cambia di vak den Oranjestad durante su periodo di pago, con tal cu e ta parkeer den un vak blanco. Ademá, pa fortalece e control y transparencia, parkeerwachters lo ricibi scanner di man pa verifica si cada number di auto ta cumpli cu e pago di parkeo. Los di esaki, Korps Politie Aruba (KPA) lo inicia cu control riba mal uzo di espacionan publico relaciona cu trafico, incluyendo mal parkeo. A funda Aruparking

hustamente pa trece orden den parkeo y haci comercio den Oranjestad miho accesibel. Operations Manager di Aruparking sra. Channela Maldonado, a expresa gratitud na e comunidad y sector comercial pa nan sosten continuo. E meta di Aruparking ta pa regula e parkeo, promove ordo, accesibilidad y mehora fluho di trafico den centro di ciudad. Pa celebra nan di 10 aniversario, Director di Aruparking Jean-Pierre Kelly, a anuncia un campaña promocional cu oportunidad pa gana premio pa tur usuario y a splica cu tin tres manera pa participa:

1. Paga pa parkeo



den vak blanco, skirbi bo number y number di telefon riba e recibo y deposita e recibo na oficina di Aruparking.

2. PagaviaeapdiPay.aw - usuario ta participa automaticamente.
3. Usuarionan cu parkeervergunning - participa automaticamente si tur pago ta up to date. Lo anuncia e ganadonan na fin di juli, fin di augustus y

e ultimo grupo di ganado dia 3 di september, cual ta e fecha final di e campaña. Lo publica tur ganado via e canalnan di media social di Aruparking. Minister Dowers a reitera cu gobierno ta compromete pa un sistema di parkeo husto, moderno y sostenible, cu ta beneficia tanto e usuario individual como e entidad di Aruparking.


ACCIDENTE CU HOPI DAÑO MATERIAL NA SAN NICOLAS



Bernhardstraat - Diadomingo merdia a registra un accidente fuerte ariba Bernhardstraat na San Nicolas. Ta trata di un pickup y un

Kia v-car. Locual nos por a compronde, cu ta trata di un accidente frontal. Esaki a sosode poco pariba di e rotonde di FTA,

caminda muha por ta causa di e accidente serio aki. Polis y tambe Forensys a wordo poni na altura.



Eduard Pieters di PPA:

“ALGUN LUNA PASA A VOTA CONTRA UN MOCION Y AWOR E MOCION AKI TA TOPICO DI URGENCIA”

Recientemente Eduard Pieters, miembro di PPA a expresa den un conferencia di prensa riba su preocupacion di actitud di supuesto politica nobo y innovativo cu FUTURO a campaña cu ne. Eduard ta di opinion, cu: “Si un parlamentario presenta un mocion, cu ta pa bienestar comun di pueblo, pakico no por haya sosten unanime? Pero awor e mesun topico di e mocion, ta haya un caracter di urgencia, unda cu e parlamentarionan di coalicion ta bay bishita KIA y wak cu nan propio wowonan, un realidad cu ya PPA a bin ta bati na porta!”.

Un mocion pa KIA pa busca solucion concreto

Na maart 2025, fraccion di PPA, representa pa parlamentario Otmar Oduber, a presenta un total di ocho (8) mocion y un (1) amienda durante e tratamiento di e presupuesto. Un di e mocionnan tabata pa enfoca riba e situacion urgente di Korrektie Instituut Aruba (KIA). E mocion a urgi gobierno pa e.o.; tuma un decision definitivo den seis (6) luna tocante e edificio di KIA; aumenta e post pa renobacion; traha structuralmente cu e instancianan relevante riba e programanan

di reintegracion y resocialisacion. Pero tambe a haci un apelacion pa e hobennan deteni, haya oportunidad di desaroyo den e actividadnan educativo. Hunto cu e amienda riba e presupuesto, Gobierno di Aruba lo por tabatin e fondo pa haci e mocion bira realidad. Votacion contra sin motibo balido

Durante e reunion publico pa trata e presupuesto 2025, partido AVP y FUTURO a vota contra e mocion aki. Aunke e proposicion tabata completo y pa bienestar general, ambos partido no a duna nan apoyo. Awor, cuatro luna despues, e mesun situacion di e contenido di e mocion ta bira un punto di urgencia nacional.

Segun Eduard Pieters: “Si un mocion asina util y urgente no ta haya sosten djis pasobra e ta bin for di oposicion, nos sa cu nos no ta den un cambio di politica innovativo y diferente. Simplemente ta demostrando cu ta djis sigui un estilo bieu, den un bachi nobo”.

Politica nobo ta exige balentia y coherencia

Pieters ta enfatisa cu si un partido ta campaña cu

nan kier hiba un politica innovador, esaki no por ta basa solamente riba slogan, sino riba accion concreto. “Un politica cu ta traha pa pueblo, mester tin balentia pa apoya mocion cu ta sirbi interes comun, sin wak ken a propone. Ta lamentabel cu bienestar di

KIA ta bira relevante, ora e mesun coalicion ta haya conveniente pa papia di dje.”

Fraccion di PPA ta keda firme den su compromiso pa tene un parlamento cu ta sirbi pueblo, no un parlamento cu ta basa su

voto riba stempel.

Si kier papia di un politica nobo y diferente, e estilo mester ta uno cu ta pone pueblo prome, ta evalua e mocionnan segun nan merito y ta traha riba transparencia.



HESUS A BISA NAN:”BAY.” E SPIRITONAN A SALI Y A DRENTA DEN E PORCONAN.MATEO 8,32

Awe Hesus ta mustra nos su Poder riba e mal spirito. Den e texto nos por ripara cu e poder di e maldad ta asocia cu 3 cos:

1. cu e graf, dus e luga di mortonan, paso morto ta mata e bida.
2. cu e porco, cu ta ser considera un animal impuro y impuresa ta separa hende for di Dios.
3. cu e lago of lama cu ta simbolo di caos prome cu creacion. E caos cu ta destrui naturalesa.Mescos cu nos por comprende cu e victoria di Hesus riba e malvado tawatatin un alcance enorme pa bida di e comunidannan di e tempo aya, pasobra nan tawata biba oprimi y margina door di e imperio Romano y e fariseonan.Y te awendia esey ta valido pa nos tempo. E poder di e maldad ta oprimi y maltrata hende. Pero pamedio di Hesus su poder e maldad a ripara cu nan a perde nan poder.

Pasobra esun cu Kere den Hesus ya a vence e poder di e maldad y no mester teme pa nada. Rumannan kico cu nos por ta pasando aden no tene miedo y corda semper cu Hesus tin Poder pa libra cada un di nos for di tur nos problemanan, pasobra Hesus ta Esun mas fuerte pa gara y mara e malvado. Animo!

Oracion: Hesus libra mi di tur mi temornan. Amen.

FORTALEZA PA FAMIA

Scirbi pa Pastor Marcel Balootje.

SACA ORGUYO FOR DI BOSO MATRIMONIO, E TA STROBA INTIMIDAD

Palabra di Dios ta bisa den Genesis 2:24-25:Pesey un homber lo bandona su tata y su mama y lo uni cu su esposa y nan lo bira un carni.e homber y su esposa tur dos tabata sunu, y no tabatin berguensa.

Esaki nos ta papia di un pareha casa, pasobra awendia tin hopi hacimento di wega, Hendenan cu ta biba cu otro sin ta stima otro, Sin ningun pensamiento di casa cu otro, Hopi ta biba pa motibo di interes financiero, Otro ta biba pa interes sexual, Otro ta biba cu otro pasobra nan no ta balora matrimonio. Tin ta biba cu otro pa manipulacion, usando e strategia, cu dia mi no kier bo mas , mi ta bay of si bo no ta gusta asina baha na awa.

Ora pica a dreña mundo,(Genesis 3:6-7) orguyo tambe a dreña, y awendia ta trece problema matrimonial y den famia.

Orguyo ta stroba comunicacion y intimidad sexual, cual ta un mandato di Dios, den matrimonio (1 Corintionan 7:3-5).

Orguyo ta stroba educacion di yuinan, ora mucha ta mira pleitamento constant, ta dificil pa e sa ta ken e tin di obedece, pero ora e ta mira amor y union e ta comprende cu e mester honra su tata y su mama.(Efesionan 6:1-4). Tur pareha cas mester tuma tempo pa otro y sa di complace cu otro, pesey e homber lo bandona cas di su tata y su mama, pa asina evita cu hende por interveni den nan intimidad, pasobra ta nan dos tin cu forma nan bida.

Pasobra den buskeda di amor tin hopi tesoro pa descubri, pasobra e interesnan ta riba mesun base, pero asina cu orguyo dreña, sea pa falta di pordon, of pa motibo financiero (Ami ta gana mas cu bo) esey ta pone cu manipulacion tambe ta haci bishita. Tin hopi matrimonio herida door di orguyo, y hopi famia herida door di orguyo.

E homber mester tene su culpa pa e ta agradabel den bista di su esposa, y e muher mester cuida su culpa pa e ta agradabel den bista di su esposo. Un homber sabi, cu ta respeta su esposa, no ta permiti su esposa ta cana mitar sunu bisti hunto cune, pasobra esey ta baha balor di su tesoro, cual ta su esposa, pasobra ningun caminda bo no ta hanja diamanta of otro piedra precioso tira riba tera. Mescos tambe un muher sabi, mester ta atento cu su esposo,pasobra e muher ta e corona di cas, y ningun hende no por ocupa su lugar, e mester wordo respeta, door su esposo,y famia, y tur hende cu conoce su esposo.

Orguyo ta un mal influencia, cu nunca ta trece union, solamente division, cual poco, poco ta hiba na divorcio.

Pesey laga nos restaura matrimonio,y pone enfasis caminda orguyo a herida y causa danjo.

Colosensenan 3:13-14: Boso soporta otro y perdona otro, si un di boso tin un keho contra otro. Mescos cu Senjor a perdona boso, asina tambe boso mester haci.

Efesionan 5:28 : Asina esposonan tambe mester stima nan esposa,manera nan mes culpa, esun cun ta stima su esposa ta stima su mes. Efesionan 4:31-32: Laga tur amargura, furia, rabia, griteria,calumnia, wordo kita for di boso,hunto cu tur malisia.Y sea carinoso cu otro,misericordioso, pordonando otro, mescos cu Dios den Cristo tambe a perdona boso.

Proverbionan 24:29: No bisa”lo mi haci cune mescos cu e a haci cu mi, lo mi paga e homber segun su obra. Orguyo ta trece falta di pordon y falta di pordon no ta di Dios.(Mateo 6:14-15). Sinceramente, Pastor Marcel Balootje.

SUDOKU

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	4	6					2	
	7		2	9	8			
	1	8		7		6		
3								7
		9		4		5	3	
			9	6	3		7	
	8					4	1	

ARUBA A PONE KRANS NA CONMEMORACION DI E ABOLICION DI SLAVITUD NA ROTTERDAM



Den Haag – Directora di Gabinete di Minister Plenipotenciario di Aruba Joselin Croes LL.M/M.Sc a pone riba dialuna 30 di Juni un krans na ocasion di e Conmemoracion di e Abolicion di Slavitud na Rotterdam.

E ceremonia a tuma lugar na e monumento na Lloydkade na Rotterdam. E programa a consisti di varios discurso y canto y poesia. Orador principal

tabata e burgemeester di Rotterdam Carola Schouten.

Banda di Aruba, tambe a pone un krans Minister Plenipotenciario di Curaçao Carlson Manuel, embahador di Surnam Rajendre Khargi, Consul General di Cabo Verde Gregorio Semedo, diputado di Provincia di Zuid-Holland Frederik Zevenbergen, diferente burgemeester

di ciudadnan manera Schiedam, Capelle aan den IJssel y Vlaardingen. Tambe cuerpo policial di

Rotterdam y Institucionan di Enseñansa manera Hogeschool van Rotterdam y Universidad Erasmus a

pone un krans. Nota pa redaccion: E potretnan ta cortesía di Arubahuis

Clasificados

SOLODIPUEBLO@GMAIL.COM

CEL. 585 9500

MINISTER DI EDUCACION, MR. GERLIEN CROES NA GRADUACION DI CURSISTANAN DI ENSEÑANSA PA EMPLEO, EMPODERANDO PA SIGUI CRECE!

Oranjestad, 1 juli 2025 – Den un ambiente yena di orguyo y felicidad, mas di 50 cursista a completa cu exito e curso di Supervisor Management 1 y 2, ofreci door di e programa di Enseñansa pa Empleo. Un iniciativa educativo cu ta crea un brug real entre enseñansa y oportunidad den e mundo laboral.

Durante e ceremonia di graduacion, Minister di Relacionnan den Reino, Educacion, Hubentud, Innovacion y Deporte, mr. Gerlien Croes, tabata presente pa entrega personalmente e certificado di logro na e cursistanan memey di nan famia, director, docente y personal di Enseñansa pa Empleo. E minister a expresa su gran orguyo den un discurso motivacional unda e a enfatisa e importancia di formacion personal y profesional continuo.

E curso di Supervisor Management 1 y 2 ta desaroya pa fortalece e

capacidadnan di liderazgo, maneho di personal y operacion, y prepara cursistanan pa un rol mas fuerte y efectivo den su trabou. Esaki ta fundamental pa un Aruba cu ta pone enfasis riba formacion continuo y desaroyo humano como base pa progreso duradero.

Minister Gerlien Croes a felicita tur cursista pa nan dedicacion, persistencia y deseo di superacion. “Pabien di curason! Sigui crece, sigui siña, y sigui inspira otro cu bo ehempel. Aruba mester di hende manera boso pa sigui hiba nos pais dilanti”.

E ministerio ta compromete pa sigui inverti den programanan cu ta habri portanan pa yiu, adulto y profesionalnan cu ta busca un caminda nobo den nan bida. Enseñansa pa Empleo ta prueba cu siñamento nunca ta caba — y cu e boluntad pa sigui crece por bira e motor di transformacion.





HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.



ARUBA A PONE KRANS NA CONMEMORACION NACIONAL DI E ABOLICION DI SLAVITUD 2025



Den Haag – Na Oosterpark Amsterdam a tuma lugar awe riba 1 di juli e conmemoracion Nacional di e Abolicion di Slavitud dor di Hulanda na 1863 den e colonianan Surnam y Antianan Hulandes; e aña aki 162 aña pasa. Directora di Gabinete di Minister Plenipotenciario di Aruba Joselin Croes LL.M/M.Sc a pone un krans den nomber di Gobierno y pueblo di Aruba.

Tradicionalmente un miembro di Gobierno di Hulandatatene und discurso y e aña aki a toca turno na Minister-presidente demisionario Dick Schoof. Tambe burgemeester di Amsterdam Femke Halsema, ex-prome minister di Sint Maarten Silveria Jacobs y vice president di NiNsee Wendeline Flores a tene un discurso.

E intermezzo musical a keda brinda pa Marinierskapel der Koninklijke Marine cu a toca e obra musical “Keti Koti Suite”, cu alabes tabata un premicia. Tambe tabata tin actuacion di Andro Biswane.

Despues di e discursonan

tabata tin 1 minuut di silencio sigui pa e parti di ponemento di krans na e “Slavernijmonument”. Banda di Joselin Croes, tambe a pone un krans entre otro presidente di Eerste Kamer Jan Anthonie Bruijn hunto cu vice-presidente di Tweede Kamer Ton van der Lee, Minister Plenipotenciario di Curaçao Carlson Manuel, Minister Plenipotenciario di St. Maarten Gracita Arrindell, Embahador di Surnam Rajendre Khargi y burgemeester di Amsterdam Femke Halsema.

Di e Gabinete demisionario Prome Minister Dick Schoof y Minister di Asuntonan Interior y di Relacionnan di Reino Judith Uitermark a pone un krans.

NiNsee ta e instituto cu ta organisa e conmemoracion. E aña aki ta 23 aña cu NiNsee a keda funda y cu e conmemoracion a inicia cu desvelo na 2002 di e “Slavernijmonument” cu ta un obra di e escultor Erwin de Vries.

Nota pa redaccion: E potretnan ta cortesía di Arubahuis



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

**Cu dolor na nos curason, nos ta participa
fayecimento di nos ser stima:**



Dr. Roderick Gilbert Arends
Mihor conoci como “Rory” of “Doctor Turismo”

***01-08-1939 - †30-06-2025**

Acto di entierro lo wordo anuncia despues